

藏書

同書

藏書

昔太史楊用修彙次選詩外編其言曰謝容以惟  
章偶句倡于永嘉隱侯以切響浮聲傳於永暉操觚  
之士靡然從之是故世之談藝者因以謝沈並列也  
就李沈道初先生已刻謝集而秣陵焦子弱侯序之  
矣茲再刻沈集屬張子題諸首簡張子曰予嘗讀隱  
侯之書而竊有慨云茫茫宇宙同心幾何郢人逝而  
匠石之斤廢鍾子亡而牙生之絃輟作之難知之難  
也隱侯既著郊居賦獨以示王筠且曰知音者希真  
賞殆絕其所感嘆非以是歟隱侯高才傳學人倫師

表見重閭里諷詠成音其工麗亦一時之選謂世不知隱侯者伊誰譽之謂世共知隱侯者又誰毀之知不知幸不幸也何足以爲隱侯病隱侯嘗題八詠詩於玄暢樓時推絕唱史稱謝朓善詩任昉工文約兼有之允哉全才之士矣或又稱沈約之作如闔闔踈鐘建章清漏不棘不徐有節有度其清婉可知杜子美詩宗也而入哀詩尚爾祖休文懷舊之作况下此者乎若黃勉之則云休文結體清怨構詞精密至如勿言一杯酒明日難重持夢中不識路何以慰相思雖蘇李叙別奚以加焉其他雖不能稱是自可梁室

獨步其爲名流所賞識類此詳其旨趣究其體裁信文章之冠冕述作之楷模也及鍾嶸之撰詩評列爲中品不無貶言私憾猶存公議安在是時邢子才魏收俱有重名時俗准的以爲師匠邢賞沈約而輕任昉魏愛慕任昉而毀沈約每於談宴辭色以之鄴下紛紛各樹朋黨嗟乎譽毀任情妍媸莫准當其時且亦然矣千載而下將安折衷哉然顯晦係乎其時屈伸繇於所遇故云文章者不朽之盛事諒有待也隱侯又撰四聲譜以爲在昔詞人累千載而不悟而獨得胸衿窮其妙旨自謂入神之作雖高祖雅不好焉

然大唐聲律實肇於此嗣後沈雲卿宋延清輩研練精切穩順聲勢律體乃備而詩人之變極矣襲用至今千古不易隱侯實始作之創導之功曷可少耶論者又以為新聲既盛古調浸衰大雅君子宜無所取然運有淳漓時有升降若忠之變質質之變文勢所必至人莫能與焉彈歌斷竹質之至也自孔子剛詩後百千年凡幾變矣月異歲殊愈趨愈下

明興一掃元習頗尚唐風弘正諸賢志殷復古嘉隆間作者尤衆相標爲百代詩豪才藝非乏也而艱深險僻抉怪鉤竒務爲名高終無實際疾在膏肓莫可

救藥既已拂溫柔敦厚之教而於隱侯之旨槩未究覽焉隱侯曰文章當從三易易見事一也易識字二也易讀誦三也邢子才祖孝徵兩賢又皆服沈侯善於用事推本而言卽孔子辭達之訓孟氏言近之說自然成文痕迹融化非工於藝者所及知予少好詩學嘗夢仙老語之曰用鉛不用鉛湏向鉛中作及至用鉛時用鉛還是錯殊得隱侯詩旨盖用而不用斯妙用乎藝苑靈丹在是矣詎不可拯療痼疾哉隱侯出處行業具梁書本傳故不論特論其所撰著媲美謝客者若此所謂寄知音於後世者不在今日耶沈

氏自吳興以來隱侯在前雲卿在後亦既盛矣乃今道初先生又以文望重海內而其弟道明其子茂仁比肩接踵更相與探幽獵秘補亡正譌表章往哲覺悟來彥世業未艾而大雅可作勲被士林良非淺鮮象也繆辱知好實艷羨之受簡攬筆拙劣惟慙竊幸厠名并托不朽萬曆乙酉仲夏雲間張之象玄超撰

沈休文集目錄

梁書本傳

卷之一

賦

郊居賦

愍塗賦

憫國賦

桐賦

麗人賦

雅樂歌

擬風賦

傷美人賦

高松賦

反舌賦

天淵水鳥賦



皇雅三章

滌雅

牲雅

誠雅三章

獻雅

禋雅二章

南郊登歌二章

北郊登歌二章

明堂登歌五章

宗廟登歌七章

俊雅三章

胤雅

寅雅

介雅三章

需雅八章

雍雅三章

舞曲歌

大壯大觀舞歌

鞞舞歌

鼓吹山

木紀謝

賢首山

桐柏山

道亡

抗威

漢東流

鶴樓峻

昏王恣淫慝

石首局

期運集

於穆

惟大梁

卷之二

樂府

日出東南隅行

昭君辭

長歌行二首

君子行

從軍行

豫章行

相逢狹路間

長安有狹斜行

三婦豔

江籬生幽渚

却東西門行

飲馬長安窟

青青河畔草

梁甫吟

君子有所思行

白馬篇

齊謳行

前緩聲歌

芳樹

臨高臺

洛陽道

江南曲

東武吟行

怨歌行

悲哉行

雜曲三首

攜手曲

有所思

夜夜曲二首

釣竿

臨碣石

湘夫人

貞女引

襄陽蹋銅躡歌三首

永明樂

江南弄四首

趙瑟曲

秦箏曲

陽春曲

朝雲曲

樂未央

四時白紵歌五首

五音曲

詩

侍皇太子釋奠宴

爲南郡王侍皇太子釋奠宴二首

三日侍鳳光殿曲水宴應制

爲臨川王九日侍太子宴

九日侍宴樂遊苑

從齊武帝瑯琊城講武應詔

三日侍林光殿曲水宴應制

侍宴樂遊苑餞呂僧珍應詔

正陽堂宴勞凱旋

遊鍾山詩應西陽王教

登高望春

遊金華山

劉真人東山還

登玄暢樓

酬謝宣城眺

新安江至清淺深見底貽京邑遊好

送別友人

去東陽與吏民別

早發定山

循役朱方道路

和竟陵王遊仙詩二首

遊沈道士館

酬華陽陶先生

還園宅奉酬華陽先生

華陽先生登樓不復下贈呈

奉華陽王外兵

赤松澗

八關齊

古意

少年新婚為之詠

夢見美人

直學省愁卧

休沐寄懷

宿東園

行園

和左丞相庾杲之移病

和竟陵王抄書

奉和竟陵王郡縣名

奉和竟陵王藥名

和陸慧曉百姓名

三月三日率爾成篇

織女贈牽牛

應王中丞思遠咏月

和王中書德充咏白雪

咏雪應令

和劉雍州繪博山香鑪



咏湖中鴈

冬節後至丞相第詣世子車中作

奉和竟陵王經劉瓛基

悼亡

侍遊方山應詔

樂將殫恩未已應詔

泛永康江

餞謝文學離夜

別范安成

効古

庭雨應詔

初春

春思

傷春

秋夜

咏箎

咏竹檳榔盤

簷前竹

翫庭柳

麥李

咏桃

咏青苔

十咏二首

懷舊詩九首

詠新荷應詔

聽蟬鳴應詔

咏箏

咏山榴

大言應令

細言應令

咏餘雪

咏帳

侍宴咏反舌

寒松

咏孤桐

咏梧桐

園橘

咏梨應詔

西地梨

咏芙蓉

咏杜若

咏鹿葱

甘蔗

咏菰

早行逢故人車中為贈

為鄰人有懷不至 四城門

和劉中書仙詩二首

華山館為國家營功德

和王衛軍解講

侍宴謝朓宅餞東歸應制

酬孔通直邊懷蓬居

石塘瀨聽猿

出重圍和傅昭

秋晨羈怨望海思歸

侍宴樂游苑餞徐州刺史應詔

上巳華光殿

六憶詩四首

八咏詩八首

阻雪連句遙贈和

戲作謝惠連體

遊甌山

卷之三

詔

沈文季加侍中詔 崔慧景加侍中詔

王亮王瑩加授詔

臨川王子晉南康侯子恪遷授詔

王茂加侍中詔

授蕭重休左僕射詔

授王亮左僕射詔 封申希祖詔

封三舍人詔 郊禋赦詔

南郊恩詔二首 改天監元年赦詔

平亂赦詔 大赦詔

立太子詔 立太子赦詔

封授臨川等五王詔

勸農訪民所疾苦詔

搜訪隱逸詔 資給何點詔

酬荆雍義士獻物者詔

使四方士民陳刑政詔

立左降詔 降死罪詔

立內職詔

制

封徐世標制 授李居士等制

封左興盛等制

授蔡法度廷尉制

授王績蔡約王師制

敕

武帝踐祚後與諸州郡敕

為武帝與謝朓敕 與何胤

表章

謝賜新曆表

為皇太子謝初表

致仕表

為始興王讓儀同表

拜尚書令到都上表

讓僕射表

為褚炫讓吏部尚書表

讓五兵尚書表

謝封建昌侯表

為柳世隆讓封公表

為南郡王讓中軍表

謝母封建昌國太夫人表

為長城公主謝表

薦劉粲表

注制旨連珠表

為柳兗州世隆上舊宮表

上建闕表

為柳世隆上銅表

謝立皇太子賜絹表

到著作省表

舉胡元秀表

上撰進宋書表

爲晉安王謝南兗州章

爲安陸王謝荊州章

爲六宮拜章

奏彈文

答武帝修定樂書奏

奏彈王源

彈祕書郎蕭遙昌文

彈御史孔彙題省壁悖慢事

彈孔稚珪違制啓假事

彈奉朝請王希聘違假

啓

賀齊明帝登祚啓

謝齊竟陵王教撰高士傳啓

爲東宮謝赦賜孟嘗君劍啓

爲皇太子謝賜御所射雉啓

謝司徒賜北蘇啓

上錢隨喜光宅寺啓

送育王像并上錢燭等啓

臨終勸加篤信啓 謝賜軫調絹等啓

謝宴出門宮賜絹綺獨啓

爲柳世隆謝賜樂遊胡桃啓

謝賜甘露啓

謝齊竟陵王賚母赫國雲氣黃綾裙襦啓

謝陶隱居术煎啓 謝赦賜水啓

謝齊竟陵王宋永明樂歌啓

謝賜絹葛啓

上陶隱居啓二首

謝齊竟陵王示華嚴瓔珞啓

疏

南齊皇太子解講疏

齊竟陵王發講疏 并頌

竟陵王解講疏二首

南齊皇太子禮佛願疏

捨身願疏

南齊南郡王捨身疏

義

佛知不異衆生知義

六道相續作佛義

因緣義

記

南齊僕射王奐枳園寺剎下石記

諡義

德皇后諡義

齊武帝諡義

齊明帝諡義

卷之四

書

報王筠書

荅僧法雲書

與徐勉書

荅沈麟士書

與范述曾論竟陵王賦書

荅樂藹書

荅陸韓卿論宮商書

報劉杳書

荅約法師書

序

武帝集序

棋品序

內典序

佛記序

論

辯聖論

七賢論

均聖論 附華陽先生難

神不滅論 難范縝神滅論

究竟慈悲論 述僧中食論

述僧設會論 論形神

碑

齊司徒安陸昭王碑

齊丞相豫章文憲王碑

齊太尉王儉碑 法王寺碑

比丘尼僧敬法師碑

善館碑 桐柏山金庭館碑

墓銘

齊太尉文憲王公墓志銘

齊太尉徐公墓志銘

太常卿任昉墓志銘

尚書右僕射范雲墓志銘

長沙宣武王墓志銘

為司徒謝朓墓志銘

行狀

齊臨川王行狀

齊司空柳世隆行狀



南齊禪林寺尼淨秀行狀

銘

光宅寺刹下銘

瑞石像銘

彌陀佛銘

栖禪精舍銘

釋迦文佛像銘

頌

千佛頌

齊朝丹徒故公頌

贊

雪贊

彌勒贊

繡像題贊

高士贊

銷聲贊

千佛贊

文

齊明帝哀策文

千僧會願文

賽蔣山廟文

修竹彈甘蕉文

冠子祝文

連珠

連珠二首

沈休文集目錄

畢

詩品

休文衆製五言最優詳其文體察其餘論固知憲章  
鮑明遠也所以不閑於經論而長於清怨永明相王  
愛文王元長等皆宗附之于時謝朓未遒江淹才盡  
范雲名級故微故約稱獨步雖文不至其工麗亦一  
時之選也見重閭里誦詠成音噪謂約所著既多令  
剪除涇雜收其精要允爲中品之第矣故當詞密於  
范意淺於江也

詩品○南史云鍾嶸嘗求譽於約約拒之及約卒嶸品古今詩爲評言其

優劣云云蓋追宿憾以此報之也

史稱謝玄暉善爲詩任彥昇工於文章約兼而有之

沈休文集  
詩品  
然不能過也

沈隱侯曰文章當從三易易見事一也易識字二也  
易誦三也邢子才常曰沈侯文章用事不使人覺若  
胸臆語也深以此服之祖孝徵亦嘗謂吾曰沈詩云  
崖傾護石髓此豈似用事耶邢子才魏收俱有重名  
時俗準的以爲師匠邢賞服沈約而輕任昉魏愛慕  
任昉而毀沈約每於談讌辭色以之鄴下紛紜各有  
朋黨祖孝徵嘗謂吾曰任沈之是非乃邢魏之優劣  
也

顏氏家訓

佳處斲削清瘦可愛自拘聲病氣骨蕭然唐諸家聲

律皆出此 詩譜

沈約范雲之作如閭闔踈鐘建章清漏不棘不舒有  
節有度 竹林詩評

劉會孟曰沈休文懷舊九首杜子美八哀之祖也

約製郊居賦構思積時猶未都畢乃要筠示其草筠  
讀至雌霓連蹌約撫掌欣抃曰僕嘗恐人呼爲霓次  
至墜石隄星及水懸埒而帶坻筠皆擊節稱贊約曰  
知音者希真賞殆絕所以相要政在此數句耳 梁書王筠傳

沈約本傳

沈約字休文吳興武康人也祖林子宋征虜將軍父璞淮南太守璞元嘉末被誅約幼潛竄會赦免旣而流寓孤貧篤志好學晝夜不倦母恐其以勞生疾常遣減油滅火而晝之所讀夜輒誦之遂博通群籍能屬文起家奉朝請濟陽蔡興宗聞其才而善之興宗爲郢州刺史引爲安西外兵參軍兼記室興宗嘗謂其諸子曰沈記室人倫師表宜善事之及爲荊州又爲征西記室參軍帶關西令興宗卒始爲安西晉安王法曹參軍轉外兵並兼記室入爲尚書度支郎齊

初爲征虜記室帶襄陽令所奉之王齊文惠太子也  
太子入居東宮爲步兵校尉管書記直永壽省校四  
部圖書時東宮多士約特被親遇每直入見景斜方  
出當時王侯到宮或不得進約每以爲言太子曰吾  
生平懶起是卿所悉得卿談論然後忘寢卿欲我夙  
興可恒早入遷太子家令後以本官兼著作郎遷中  
書郎本邑中正司徒右長史黃門侍郎時竟陵王亦  
招士約與蘭陵蕭琛琅邪王融陳郡謝朓南鄉范雲  
樂安任昉等皆遊焉當世號爲得人俄兼尚書左丞  
尋爲御史中丞轉車騎長史隆昌元年除吏部郎出

爲寧朔將軍東陽太守明帝卽位進號輔國將軍徵  
爲五兵尚書遷國子祭酒明帝崩政歸冢宰尚書令  
徐孝嗣使約撰定遺詔遷左衛將軍尋加通直散騎  
常侍永元二年以母老表求解職改授冠軍將軍司  
徒左長史征虜將軍南清河太守高祖在西邸與約  
遊舊建康城平引爲驃騎司馬將軍如故時高祖勲  
業旣就天人允屬約嘗扣其端高祖默而不應他日  
又進曰今與古異不可以淳風期萬物士大夫攀龍  
附鳳者皆望有尺寸之功以保其福祿今兒童牧豎  
悉知齊祚已終莫不云明公其人也天文人事表革

沈休文集 本傳  
運之徵永元以來尤爲彰著識云行中水作天子此  
又歷然在記天心不可違人情不可失苟是曆數所  
至雖欲謙光亦不可得已高祖曰吾方思之對曰公  
初杖兵樊沔此時應思今王業已就何所復思昔武  
王伐紂始入民便曰吾君武王不違民意亦無所思  
公自至京邑已移氣序比於周武遲速不同若不早  
定大業稽天人之望脫有一人立異便損威德且人  
非金玉時事難保豈可以建安之封遺之子孫若天  
子還都公卿在位則君臣分定無復異心君明于上  
臣忠於下豈復有人方更同公作賊高祖然之約出

高祖召范雲告之雲對略同約旨高祖曰智者乃爾  
暗同卿明早將休文更來雲出語約約曰卿必待我  
雲許諾而約先期入高祖命草其事約乃出懷中詔  
書并諸選置高祖初無所改俄而雲自外來至殿門  
不得入徘徊壽光閣外但云咄咄約出問曰何以見  
處約舉手向左雲笑曰不乖所望有頃高祖召范雲  
謂曰生平與沈休文群居不覺有異人處今日才智  
縱橫可謂明識雲曰公今知約不異約今知公高祖  
曰我起兵於今三年矣功臣諸將實有其勞然成帝  
業者乃卿二人也梁臺建爲散騎常侍吏部尚書兼

右僕射高祖受禪爲尚書僕射封建昌縣侯邑千戶  
常侍如故又拜約母謝爲建昌國太夫人奉策之日  
左僕射范雲等二十餘人咸來致拜朝野以爲榮俄  
遷尚書左僕射常侍如故尋兼領軍加侍中天監二  
年遭母憂輿駕親出臨弔以約年衰不宜致毀遣中  
書舍人斷客節哭起爲鎮軍將軍丹陽尹置佐史服  
闋遷侍中右光祿大夫領太子詹事揚州大中正關  
尚書八條事遷尚書令侍中詹事中正如故累表陳  
讓改授尚書左僕射領中書令前將軍置佐史侍中  
如故尋遷尚書令領太子少傅九年轉左光祿大夫

侍中少傅如故給鼓吹一部初約久處端揆有志台  
司論者咸謂爲宜而帝終不用乃求外出又不見許  
與徐勉素善遂以書陳情於勉勉爲言於高祖請三  
司之儀弗許但加鼓吹而已約性不飲酒少嗜欲雖  
時遇隆重而居處儉素立宅東田矚望郊阜嘗爲郊  
居賦以序其事尋加特進光祿侍中少傅如故十二  
年卒官時年七十三詔贈本官賻錢五萬布百疋謚  
曰隱約左日重矐子腰有紫志聰明過人好墳籍聚  
書至二萬卷京師莫比少時孤貧丐于宗黨得米數  
百斛爲宗人所侮覆米而去及貴不以爲憾用爲郡

沈休文集 本傳 四  
部傳嘗侍讌有妓師是齊文惠宮人帝問識座中客  
不曰惟識沈家令約伏座流涕帝亦悲焉爲之罷酒  
約歷仕三代該悉舊章博物洽聞當世取則謝玄暉  
善爲詩任彥昇工於文章約兼而有之然不能過也  
自負高才昧于榮利乘時藉勢頗累清談及居端揆  
稍引止足每進一官輒殷勤請退而終不能去論者  
方之山濤用事十餘年未嘗有所薦達政之得失唯  
唯而已初高祖有憾于張稷及稷卒因與約言之約  
曰尚書左僕射出作邊州刺史已往之事何足復論  
帝以爲婚家相爲大怒曰卿言如此是忠臣邪乃輦

歸內殿約懼不覺高祖起猶坐如初及還未至床而  
憑空頓于戶下因病夢齊和帝以劍斷其舌召巫視  
之巫言如夢乃呼道士奏赤章于天稱禪代之事不  
由已出高祖遣上省醫徐熒視約疾還具以狀聞先  
此約嘗侍讌值豫州獻栗徑寸半高祖竒之問栗事  
多少與約各疏所憶少帝三事出謂人曰此公護前  
不讓卽羞死帝以其言不遜欲抵其罪徐勉固諫乃  
止及聞赤章事大怒中使譴責者數焉約懼遂卒有  
司謚曰文帝曰懷情不盡曰隱故改爲隱云約少時  
嘗以晉氏一代竟無全書年二十許便有撰述之意



宋泰始初征西將軍蔡興宗爲啓明帝有敕許焉自此踰二十年所撰之書方就凡一百餘卷條流雖舉而採綴未周永明初遇盜失第五帙又撰宋書百卷齊紀二十卷高祖紀十四卷邇言十卷謚例十卷宋文章志三十卷文集一百卷皆行于世又撰四聲譜以爲在昔詞人累千載而不寤而獨得胸衿窮其妙旨自謂入神之作高祖雅不好焉帝問周捨曰何謂四聲捨曰天子聖哲是也然帝竟不遵用

陳吏部尚書姚察曰昔木惠將謝昏孛流虐慄慄黔黎命懸晷漏高祖義拯橫潰志寧區夏謀暮帷幄寔寄良平至於范雲沈約參預締構贊成帝業加雲以機警明瞻濟務益時約高才博洽名亞遷董俱屬興運蓋一代之英偉焉

沈休文集卷之一

梁 武康沈 約 著  
明 武陵楊 鶴 校

賦

郊居賦

惟至人之非已固物我而兼忘自中智以下洎咸得  
性以爲場獸因窟而獲騁鳥先巢而後翔陳巷窮而  
業泰嬰居湫而德昌僑棲仁於東里鳳晦跡於西堂  
伊吾人之褊志無經世之大方思依林而羽戢願託

水而鱗藏固無情於輪奐非有欲於康莊披東郊之  
寥廓入蓬藿之荒茫旣從豎而橫構亦風除而雨攘  
昔西漢之標季除播遷之云始違利見於海昏創惟  
桑於江汜同河濟之重壘踰班生之十紀或辭祿而  
反畊或彈冠而來仕逮有晉之隆安集難虞於天步  
世交爭而波流民失時而狼顧延亂麻於井邑曝如  
莽於衢路大地曠而靡容旻天遠而誰訴伊皇祖之  
弱辰逢時艱之孔棘違危邦而窘驚訪安土而移卽  
肇胥宇於朱方掩閒庭而晏息值龍顏之鬱起乃憑  
風而矯翼指皇邑而南轅駕修衢以騁力遷華扉而

來啓張高衡而徙植傍逸陌之修平面淮流之清直  
芳塵浸而悠遠世道忽其穴隘緜四代於茲日盈百  
祀於微躬嗟獎廬之難保若賓籜之從風或誅茅而  
剪棘或旣西而復東乍容身於白社亦寄孥於百通  
迹平生之耿介實有心於獨往思幽人而軫念望東  
臯而長想本忘情於狗物徒羈紲於天壤應屢歎於  
牽絲陸興言於世網事滔滔而未合志悄悄而無爽  
路將殫而彌峭情薄暮而踰廣抱寸心其如蘭何斯  
願之浩蕩詠歸歟而躑躅眷巖阿而抵掌逢時君之  
喪德何凶昏之孔熾乃戰牧所未陳實升阨所不記

彼勅元之喋喋將垂獸而爲餌瞻穹昊而無歸雖非  
牽而被截始歎絲而未覩終道組而後值尋胎愛乎  
上天固非民其莫甚授冥符於井翼實靈命之所稟  
當降監之初辰值積惡之云稔寧方割於下墊廓重  
氛於上塲躬靡暇於朝食常求衣於夜枕旣牢籠于  
媯虜又驅馳乎軒頊德無遠而不被明無微而不燭  
鼓玄澤於大荒播仁風於遐俗闢終古而遐念信王  
猷其如玉值銜圖之盛世遇興聖之嘉期謝中消于  
初日叨光佐於此時闕投石之猛志無飛天之麗辭  
排陽鳥而命邑方河山而啓基翼儲光于三善長王

職於百司競鄙夫之易失恩寵祿之難持伊前世之  
貴任罕紆情於丘窟譬叢華於楚趙每驕奢以相越  
築甲館於銅駝竝高門於北闕闢重扃於華閭豈蓬  
蒿所能沒教傳嗣於境壤何安身於窮地味先哲而  
爲言固余心之所嗜不慕權於城市豈邀名于屠肆  
詠希微以考室幸風霜之可庇爾乃傍窮野抵荒郊  
編霜莢葺寒茅構棲噪之所集築町疇之所交因犯  
檐而刊樹由妨基而剪巢決渟洿之汀澗塞井甃之  
淪坳藝芳枳于北渠樹修楊于南浦遷甕牖于蘭室  
同肩牆於華堵織宿楚以成門籍外扉而爲戶旣取

陰於庭樾又因籬于芳杜開閣室以遠臨闢高軒而  
傍觀漸沼沚於雷垂周塋陌於堂下其水草則蘋萍  
芡芰菁藻蕪菰石衣海髮黃荇綠蒲動紅荷于輕浪  
覆碧葉於澄湖食嘉實而却老振羽服于清都其陸  
卉則紫鼈綠施天著山韭鴈齒麋舌牛脣蕤首布獲  
南池之陽爛熳北樓之後或幙渚而芘地或縈牕而  
窺牖若乃園宅殊製田圃異區李衡則橘林千樹石  
崇則雜果萬株竝豪情之所侈非儉志之所娛欲令  
紛披蒼鬱吐綠攢朱羅一缺映戶接雷承隅開丹房以  
四照舒翠葉而九衢抽紅英于紫帶銜素蕊于青跗

其林鳥則翻泊頡頏遺音下上楚雀多名流嚶雜響  
或斑尾而綺翼或綠衿而絳頰好葉隱而枝藏乍聞  
關而來往其水禽則大鴻小鴈天狗澤虞秋鷺寒鸛  
修鷁短鳧曳參差之弱藻戲澆灑之輕軀翅擘流而  
起沫翼鼓浪而成珠其魚則赤鯉青魴纖條鉅鱧碧  
鱗朱尾修顱偃頤小則戲渚成文大則噴流揚白不  
興羨於江海聊相忘於余宅其竹則東南獨秀九府  
擅竒不遷植于淇水豈分根於樂池秋蠲吟葉寒雀  
噪枝來風南軒之下負雪北堂之垂訪任塗之軫跡  
觀先識之情僞每誅空而有一缺皆指難以爲易不自

已而求足並尤物以興累亦昔士之所迷而今余之所避也原農皇之攸始討厥播之云初肇變腥以粒食乃人命之所儲尋井田之往記考阡陌于前書顏單食而樂在鄭高廩而空虛頃四百而不足畝五十而有餘撫幽衷而跼念幸取給于庭廬緯東菑之故耜浸北畝之新渠無褻爨於曉蓐不抱俶於朝蔬排外物以齊遣獨爲累之在余安事千斯之積不羨汝陽之墟臨巽維而騁日卽堆冢而流眄雖茲山之培塿乃文靖之所宴驅四牡之低昂響繁笳之清嘒羅方圓而綺錯窮海陸而兼薦奚一權之足偉委千金

其如線試撫臆而爲言豈斯風之可扇將通人之遠旨非庸情之所見聊遷情而徙睇識方阜於歸津帶修汀於桂渚肇舉鍾於疆秦路縈吳而欵越塗被海而通閩懷三鳥以長念伊故鄉之可珍實褰期于晚歲非失步于方春何東川之瀾瀾獨流涕于吾人謬參賢於昔代亟徒遊于茲所侍綵旄而齊轡陪龍舟而遵渚或削席而賦詠或班觴而宴語總惟一朝冥漠西陵忽其蔥楚望商飈而永歎每樂愷於斯觀始則鐘石鏘鏗終以魚龍瀾漫或升降有序或浮白無竿貴則景魏蕭曹親則梁武周旦莫不共霜霧而歇

滅與風雲而消散眺孫后之墓田尋雄霸之遺武實  
接漢之後王信開吳之英主指衡岳而作鎮苞江漢  
而爲宇徒徵言于石槨遂延災於塗纒忽蕪穢而不  
修同原陵之膻膻寧知螻蟻之與狐兔無論芻之與  
牧豎睇東嚙以流目心悽愴而采怡蓋昔儲之舊苑  
實博望之餘基修林則表以桂樹列草則冠以芳芝  
風臺累翼月榭重栴千楹捷嶸百拱相持早轅林駕  
蘭榭木嬉踰三齡而事往忽三紀以歷茲咸夷漫以  
蕩滌非古今之異時爲余眸于良域覲高館于茲嶺  
雖混成以無跡實遺訓之可秉始餐霞而吐霧終陵

虛而倒景駕雌蜺之連卷泛天江之悠永指咸池而  
一息望遙臺而高騁匪爽言以自媵冀神方之可請  
惟鍾巖之隱鬱表皇都而作峻蓋望秩之所宗含風  
雲而吐潤其爲狀也則巍峩崇峯喬枝拂日崑嶷岩  
峯墜石堆星岑峯峯岫或坳或平盤堅枕卧詭狀殊  
形孤磴橫插洞穴表經千丈萬仞三襲九成亘繞州  
邑欵跨郊垆素烟晚帶白霧晨縈近循則一巖異色  
遠望則百嶺俱青觀二代之瑩兆覩摧殘之餘遂成  
顛沛于厓豎康欵衿于虛噐穆恭已於巖廊簡遊情  
於玄肆製窮飲以致災安忘懷而受崇何宗祖之奇

傑威橫天而陵地惟聖文之績武殆隆平之可至余  
垂憙之所君仰遺封而掩淚稽寢匪一靈館相距席  
布駢駒堂流桂醕降紫皇於天闕延二妃於湘渚浮  
蘭烟於桂棟召巫陽于南楚揚玉桴握椒糝悅臨風  
以浩唱折瓊茅而延佇敬惟空路邈遠神蹤遐闊念  
甚驚飈生猶聚沫歸妙軫於一乘啓玄扉於三達欲  
息心以遣累必違人而後豁或結椽於巖根或開櫺  
於木末室閭蘿葛檐梢松栝旣得理於兼謝固忘懷  
於饑渴或攀枝獨遠或陵雲高蹈因葺茨以結名猶  
觀空以表號得忘已於茲日豈期心於來報天假余

以大德荷茲賜之無彊受老夫之嘉稱班燕禮於上  
庠無希驥之秀質乏如珪之令望邀昔息于舊主重  
匪服於今皇仰休老之盛則請微軀於夕陽勞蒙司  
而獲謝猶奉職於春坊時言歸於陋宇聊暇日以翺  
翔棲余志于淨國歸余心於道場獸依墀而莫駭魚  
物沼而不綱旋迷塗於去轍篤後念於徂光晚樹開  
花初英落蘂或異林而分丹青乍因風而雜紅紫紫  
蓮夜發紅荷曉紆輕風微動其芳襲余風騷屑於園  
樹月籠連於池竹蔓長柯於簷桂發黃華於庭藋木  
懸墀而帶坻雪縈松而被埜鴨屯飛而不散鴈高翔



而欲下並時物之可懷雖外來而非假實情性之所  
留滯亦志之而不能捨也傷余情之頽暮罹憂患其  
相溢悲異軫而同歸懽殊方而並失時復托情魚鳥  
歸間蓬華旁闕吳娃前無趙瑟以斯終老於焉請日  
惟以天地之恩不報書事之官靡述徒重於高門之  
地不載於良史之筆長太息其何言羌愧心之非一

### 擬風賦

若夫搖玉樹響金扉拂九層之羽蓋轉八鳳之珠旂  
時卷瑤臺翠帳乍動佚女輕衣此蓋羽客之仙風也

### 愍塗賦

結榜窮渚思臨長嶼情依舊越身經故楚彼長路之  
多端伊客心之無緒懽因循而易失悲由心而難拒  
此江海之信遼知余思之方阻日掩長浦風掃聯葭  
疊雲凝憤廣水騰華聽奔沸于洲嶼望掩曖乎烟沙  
依雲邊以知國極鳥道以瞻家免悽愴於羈離亦殷  
勤於行路嘆余塗之屢蹇奚前芳之可慕

### 傷美人賦

信美顏其如玉咀清哇而度曲思佳人而未來望餘  
光而躑躅拂螭雲之高帳陳九枝之華燭虛翡翠之  
珠被空合歡之芳褥言懽愛之可永庶羅袂之空裁

曾未申其巧笑忽淪軀於夜臺伊芳萼之伸節夜猶  
長而未遽悵徙倚而不眠往徘徊於故處

### 憫國賦

余生平之無立徒跣踵以自閒處圍城之慄慄得無  
用於行間對僚爰而不怡咸悄顏而相顧畏高衝之  
比擬壯激矢之南度駭潛師之夜過驚躍馬之晨呼  
矛森森而密豎旗落落而踈布時難紛其未已歲功  
迫其將徂育素蠅於玄冑垂葆髮于縵胡

### 高松賦

鬱彼高松栖根得地託比園於上邸依平臺而養翠

若夫蟠株聳榦之懿含星漏月之竒經千其聲也驚  
詭嚙噴縈紆離亂駢浮迴合岫危瑣散或發曲無漸  
或收音去半旣含意於將曉亦流妍於始旦雜沓透  
迤噉跳參差攢矯動葉促嚙縈枝分宮折徵萬矩千  
規因風起哢曳響生竒對芳辰於此月屬今余之遵  
暮勅城守之誼疲愛田郊之間素眷春物而懷之聞  
好音於庭樹

### 麗人賦

有客弱冠未仕締交戚里馳騫王室遨遊許史歸而  
稱曰狹褻才女銅街麗人亭亭似月嫵婉如春凝情

待價思尚衣巾芳踰散麝色茂開蓮陸離羽珥雜錯  
花鈿嚮羅幃而不進隱明燈而未前中步檐而一息  
順長廊而迴歸池翻荷而納影風動竹而吹衣薄暮  
延佇宵分乃至出闈入光含羞隱媚垂羅曳錦鳴瑤  
動翠來脫薄妝去留餘膩霑妝委露理鬢清渠落花  
入領微風動裾

天淵水鳥賦

霜而得拱仰百仞而方枝朝吐輕烟薄霧夜宿迷鳥  
羈雌露雖滋而不潤風未動而先知旣梢雲于清漢  
亦倒景于華池輕陰蒙密喬柯布護葉斷禽蹤枝通  
援路聽騷騷於旣曉望隱隱於將暮暖平湖而漾青  
綠拂繪綺而籠丹素於時風急壠首寒浮塞天流蓬  
不息明月孤懸檀欒之竹可詠鄴枚之客存焉清都  
之念方遠姑射之想悠然擢柔情于蕙圃涌寶思于  
珠泉豈徒爲善之小樂離繳之短篇若此而已乎

桐賦

龍門之桐遠望青葱專巖擅嶺或孤或叢枝封暮雪  
葉映晝虹抗蘭橈以栖龍拂雕牕而團露喧密葉于  
鳳晨宿高枝於鸞暮合影陽崖標峰東陸俯結玄陰  
仰成翠屋乍髣髴於行雨時徘徊於丹轂遶齊綵於

碧林豈慙光於若木

反舌賦

咨玄造之大德播含靈於無小有反舌之微禽亦班  
名於庶鳥乏嘉容之翫因繁聲以自表仰綏靈志百  
福具膺嘉祥允洎駿奔伊在慶覃遐嗣

牲雅

薦毛血奏牲雅

反本興敬復古昭誠體容宿設祀事孔明華俎待獻  
崇碑麗牲充哉繭握肅矣簪纓其管既啓我豆既盈  
庖丁游刃葛盧驗聲多祉攸集景福來并

誠雅三章

第一章南郊降神用第二章北郊降神用第三章郊明堂太廟同用

懷忽慌瞻浩蕩盡誠潔致虔想出杳冥隆無象皇情  
肅具僚仰人禮盛神途敞僂明靈申敬享感蒼極動  
玄象

地德溥崑丘峻揚羽翟鼓應輦出尊祗展誠信招海  
若羅嶽鎮惟福祉咸昭晉

我有明德馨非稷黍牲玉孔備嘉薦惟旅金懸宿設  
和樂具舉禮達幽明敬行尊俎鐘鼓云送遐福是與

獻雅

皇帝飲福酒奏獻雅

天淵池上鳥雲集水連漪單泛姿容與群飛時合離  
將騫復歛翮迴首望驚雌飄泊出孤嶼未曾宿蘭渚

飛飛忽云勑相鳴集池籞可憐九層樓光影水上浮  
本來蹙止息遇此遂淹留若夫侶浴清深朋翻迴曠  
翠鬣紫纓之飾丹冕綠襟之狀過波兮湛澹隨風兮  
迴漾竦臆兮開萍蹙水兮興浪

雅樂歌

藝文類聚作元會歌辭

皇雅三章

皇帝出入奏皇雅

帝德實廣運車書靡不賓執珪朝群后垂旒御百神  
八荒重譯至萬國遠來親  
華蓋拂紫微句陳繞太一容裔被緹組參差羅罕畢  
星回照以爛天行徐且謚

清蹕朝萬寓端冕臨正陽青絢黃金纔袞衣文繡裳  
旣散華蟲彩復沉日月光

滌雅

牲出入奏滌雅

將修盛禮其儀孔熾有膺斯牲國門是置不黎不瘠  
靡愆靡忌呈肌獻體永言昭事俯休皇德神宮肅肅  
天儀穆穆禮獻旣同膺茲釐福我有馨明無愧史祝

禋雅二章

第一章就燎用第二章就埋用

紫宮昭煥太一微玄降臨下土尊高上天載陳珪幣  
式備牲牲雲笈清引栴屨高懸俯昭物象仰致高煙  
肅彼靈祉咸達皇虔

盛樂斯舉協徵調宮靈響慶洽祉積化融八變有序  
三獻已終坎牲瘞玉酬德報功振垂成呂投壤生風  
道無虛致事由感通於皇盛烈比祚華嵩

南郊登歌二章

燾既明禮告成惟聖祖主上靈爵已獻鬯又盈息羽  
籥展歌聲優如在結皇情

禮容盛尊俎列玄酒陳陶匏設獻清酒致虔潔玉既  
升樂已闋降蒼昊垂芳烈

北郊登歌二章

方壇既埴地祇已出盛典弗訾群望咸秩乃升乃獻

敬成禮卒靈承無兆神響載謐允矣嘉祚其升如日  
至哉坤元實淮厚載躬茲奠饗誠文顯晦或升或降  
搖珠動佩德表成物慶流皇代純嘏不訾祺福是賚

明堂登歌五章

歌青帝

帝居在震龍惠司春開元布澤含和尚仁群居既散  
歲云陽止飭農分地民粒惟始雕梁繡栱丹楹玉墀  
靈威以降百福來綏

歌赤帝

炎光在離火爲盛德執禮昭訓持衡受則靡草旣凋

溫風以至嘉薦惟旅時羞孔備齊緹在堂笙鏞在下  
匪惟七百無絕終始

歌黃帝

鬱彼中壇含靈闡化迴環氣象輪無輟駕布德焉在  
四序將收音宮數五飯稷驂駟宅屏居中旁臨外宇  
升爲帝尊降爲神主

歌白帝

神在繩方帝居西皓允茲金德裁成萬寶鴻來雀化  
參見火表幙無玄鳥菊有黃華載削笙磬式陳彝俎  
靈罔常懷惟德是與

歌黑帝

德盛乎水玄冥紀節陰降陽騰氣凝象閔司智莅坎  
駕馭衣玄祁寒坼地晷度迴天悠悠四海駿奔奉職  
祚我無疆永隆民極

宗廟登歌七章

功高禮洽德尊樂備三獻具舉百司在位誠敬罔訾  
幽明同致茫茫億兆無思不遂蓋之如天容之如地  
殷兆玉筐周始邠王於赫文祖基我大梁肇土七十  
奄有四方帝軒百祀人思未忘永言聖烈祚我無疆  
有夏多臯殷人塗炭四海倒懸十室思亂自天命我

殲凶殄難既躍乃飛言登天漢爰享爰格福祿攸贊  
犧象既飾壘俎斯具我鬱載馨黃流乃注峩峩卿士  
駿奔是務珮上鳴皆纓還拂樹悠悠億兆天臨日煦  
猗歟至德光被黔首鑄鎔蒼昊甄陶區有恪恭三獻  
對揚萬壽比屋可封含生無咎匪徒七百天長地久  
有命自天於皇后帝悠悠四海莫不來祭繁祉具膺  
八神聳衛福至有兆慶來無際播此餘休于彼荒累  
祀典昭潔我禮莫違八簋充室六龍解駢神宮肅肅  
靈寢微微嘉薦既享景福攸歸至德光被洪祚載輝  
三朝雅樂歌

俊雅三章

百官出入奏俊雅

設官分職髦俊攸俟髦俊伊何貴德尚齒唐又咸事  
周寧多士區區衛國猶賴君子漢之得人帝猷乃理  
開我八襲闢我九重珩珮流響纓紱有容袞衣前邁  
列辟雲從義兼東序事美西靡分階等肅異列齊恭  
重列北上分庭異陛百司揚職九賓相禮齊宋舅甥  
魯衛兄弟思皇藹藹群龍濟濟我有嘉賓寔惟愷悌  
胤雅 皇太子出入奏胤雅  
自昔殷代哲王迭有降及周成惟噐是守上天乃眷  
大梁既受灼灼重明仰承元首體乾作貳命服斯九



置保置師居前居後日星比耀克隆萬壽

寅雅 王公出入奏寅雅

禮莫違樂具舉延藩辟朝帝所執栢蒲列齊莒垂袞  
毳紛容與升有儀降有序齊簪紱忘笑語始矜嚴終  
酣醕

介雅三章 上壽酒奏介雅

百福四象初萬壽三元始拜獻惟袞職同心協卿士  
北極永無窮南山何足擬  
壽隨百禮洽慶與三朝升惟皇集繁祉景福互相承  
申錫永無遺穰簡必來應

百味既含馨六飲莫能尚玉壘信湛湛金卮頗搖漾  
敬舉發天稔祥祉流嘉貺

需雅八章 食舉奏需雅

實體平心待和味庶羞百品多為貴或鼎或鸞宜九  
沸楚桂胡鹽芼芳卉加籩列俎雕且蔚  
五味九變兼六和令芳甘旨庶且多三危之露九真  
禾圓按方丈粲星羅皇舉斯樂同山河  
九州上腴非一族玄之碧樹壽華木終朝采之不盈  
掬用拂腥羶和九穀既甘且飶致遐福  
人欲所大味為先興和盡敬咸在旃碧鱗朱尾獻嘉

鮮紅毛綠翼墜輕翮臣拜稽首萬斯年  
 擊鐘以俟惟大國况乃御天流至德侑食斯舉揚盛  
 則其禮不訾儀不忒風猷所被深且塞  
 膳夫奉職獻芳滋不麇不夭咸以時調甘適苦別澠  
 淄其德不爽受福釐于焉逸豫永無期  
 備味斯饗惟至聖咸降人神禮為盛或風或雅流歌  
 詠負鼎言歸啓殷命悠悠四海同茲慶  
 道我六穗羅八珍洪鼎自爨匪勞薪荆包海物必來  
 陳滑甘滫瀡味和神以斯至德被無垠

雍雅三章

撤饌奏雍雅

明明在上其儀有序終事靡訾收釧撤俎乃升乃降  
 和樂備舉天德莫違人謀是與敬行禮達茲焉讌語  
 我駿惟阜我肴孔庶嘉味既充食旨斯飫屬厭無爽  
 沖和在御擊壤齊歡懷生等豫烝庶乃粒寔由仁恕  
 百司警列皇在在陞既飫且醕卒食成禮其容穆穆  
 其儀濟濟凡百度寮莫不愷悌奄有萬國抑由天啓

舞曲歌

大壯大觀舞歌

大壯舞歌

高高在上實愛斯人眷求聖德大拯彞倫率土方燎

如火在薪慄慄黔首暮不及晨朱光啓耀兆發穹旻  
我皇鬱起龍躍漢津言屆牧野電激雷震闕鞏之甲  
彭濮之人或貌或武漂杵浮輪我邦雖舊其命維新  
六伐乃止七德必陳君臨萬國遂撫八寅

### 大觀舞歌

皇矣帝烈大哉興聖奄有四方受天明命居上不怠  
臨下惟敬舉無訾則動無失正物從其本人遂其性  
昭播九功肅齊八柄寬以惠下德以爲政三趾晨儀  
重輪夕映棧壑忘阻梯山匪曼如日有恒與天無竟  
載陳金石式流舞詠咸英韶夏於茲比盛

### 鞞舞歌

樂府失名考日錄作沈約

### 明之君六章

大梁七百始天監三元初聖功澄宇縣帝德總車書  
熙熙億兆臣其志皆懽愉

刑措甫自今隆平亦肇茲神武超楚漢安用道邠岐  
百拜奄來宅執玉咸在斯象天則地體無爲

禮緝民用擾樂諧風自移舜琴中已絕堯衣今復垂  
象天則地體無爲

治兵戰六獸爲邦命九官靈蛇及瑞羽分素復銜丹  
望就踰軒項鏗鏘掩咸護九尾擾成群八象鳴相顧

象天則地化雲布

有爲臣所執司契君之道運行乃四時無言信蒼昊  
宸居體冲寂忘懷定天保

至德同自然裁成伴玄造珍祥委天貺靈物開地寶  
窈窕降青班參差秀朱草

鼓吹曲

木紀謝

言齊謝朓升也

木紀謝火運昌炳南陸耀炎光民去癸鼎歸梁鮫魚  
出慶雲翔輔五帝軼三王德無外化溥將仁蕩蕩義  
湯湯浸金石達昊蒼橫四海被八荒舞干戚垂衣裳

對天眷坐巖廊胤有錫祚無疆風教遠禮容盛感神  
人宣舞詠降繁祉延嘉慶

賢首山

言武帝破魏軍於司部肇王迹也

賢首山險而峻乘岨憑臨胡陣騁奇謀奮卒徒斷白  
馬塞飛狐殪日逐殲骨都刃谷蠡馘林胡草旣潤原  
亦塗輪無反幘有烏掃殘孽震戎逋揚凱奏展歡酺  
詠杖杜旋京吳

桐柏山

言武帝牧司王業彌章也

桐柏山淮之首肇基帝迹遂光區有大震邊關殪獯  
醜農旣勸民惟阜穗充庭稼盈畝迨嘉辰藁芳糗納

寒場為春酒昭景福介眉壽天斯長地斯久化無極  
功無朽

道亡

言東昏喪道義師起樊鄧也

道亡數極歸永元悠悠兆庶盡含冤沈河莫極皆無  
安赴海誰授矯龍翰自樊漢仙波流水清且瀾救此  
倒懸拯塗炭誓師劉旅赫靈斷率茲八百驅十亂登  
我聖明由多難長夜杳冥忽云旦

抗威

言破加湖元勳建也抗一作枕

抗威授律命蒼光言薄加湖灌秋水廻瀾滌汨汎增  
雉爭河投岸掬盈指犯刃嬰戈洞流矢資此威烈齊

文軌

漢東流

言義師克魯山城也

漢東流江之汭逆徒蠡聚旌旗紛蔽仰震威靈乘高  
騁銳至仁解網窮鳥入懷因此龍躍言登泰階

鶴樓峻

言平郢城兵威無敵也

鶴樓峻連翠微因巖設險池永歸脣亡齒懼薄言震  
耀靈威凶衆稽顙天不能違金湯無所用功烈長巍  
巍

昏主恣淫慝

言東昏政亂武帝起義平九江姑  
熟大破朱雀伐罪弔民也

昏主恣淫慝皆曰自昌盛上仁矜億兆誓師為請命

既齊丹浦戰又符甲子辰龕難伐有罪伐罪弔斯民  
悠悠億萬姓於此觀陽春

石首碣

言義師平京城仍廢昏定大事也

石首碣北墉堦新堦嚴東壘峻共表裏遙相鎮矢未  
飛鼓方振競銜璧並輿視酒池擾象廓震同伐謀兼  
善嗽闢應和埽煨燼剪庶惡靡餘胤

期運集

言武帝膺籙受禪德盛化遠也

期運集惟皇膺寶符龍躍清漢渚鳳起方城隅謳歌  
共適夏獄訟兩違朱二儀啓佳祚千載猶旦暮舞蹈  
流帝功金玉昭王度

於穆

言大梁闡運君臣和樂休作方遠也

於穆君臣君臣和以肅關王道定天保樂均靈囿宴  
同在鎬前庭懸鐘鼓左右列笙鏞纓佩俯仰有則備  
禮容翔振鷺騁群龍降周何足擬遠與唐比蹤

惟大梁

言梁德廣運仁化洽也

惟大梁開運受籙膺圖君八極冠帶被五都四海並  
嘉會排闕欵塞無異塗

沈休文集卷之一

終

沈休文集卷之二

梁 武康沈 約 著

明 武陵楊 鶴 校

樂府

日出東南隅行

朝日出邯鄲照我叢臺端中有傾城豔顧景織羅紈  
延軀似織約遺視若回瀾瑤裝映層綺金服炫雕欒  
幸有同匡好西仕服秦官寶劔垂玉貝汗馬飾金鞍  
縈塲類轉雪逸控寫騰鸞羅衣夕解帶玉釵暮垂冠

昭君辭

朝發披香殿夕濟汾陰河於茲懷九逝自此歛雙蛾  
沾救疑湛露繞臆狀流波日見奔沙起稍覺轉蓬多  
胡風犯肌骨非直傷綺羅銜涕試南望關山鬱嵯峨  
始作陽春曲終成苦寒歌唯有三五夜明月暫經過

長歌行

連連丘壑改微微市朝變來功罕往迹莫武徂升彥  
局塗頓遠策留懽恨奔箭拊戚狀驚瀾循休擬回電  
歲去芳願違年來苦心薦春貌旣移紅秋林豈停倩  
一倍茂陵道寧思栢梁宴長戢兔園情永別金華殿

聲徽無惑簡丹青有餘絢幽籥且未調無使長歌勸

同前

春隰萋綠柳寒墀積皓雪依依往紀盈霏霏來思結  
思結纏歲宴曾是掩初節初節曾不掩浮榮逐弦缺  
弦缺更圓合浮榮永沉滅色隨夏蓮變態與秋霜羣  
道迫無異期賢愚有同絕銜恨豈云忘天道無甄別  
功名識所職竹帛尋推裂生外苟難尋坐爲長歎設

君子行

良御惑燕楚妙察亂澠淄隄傾由漏壤垣隙自危基  
囂途或妄踐黨義勿輕持



從軍行

惜哉征夫子憂恨良獨多  
浮天出鯁海東馬渡交河  
雪縈九折燈風卷萬里波  
維舟無夕島秣驥乏平莎  
陵濤富驚沫援木闕垂蘿  
江颶鳴疊嶼流雲照層阿  
玄埃晦朔馬白日照吳戈  
寢興動征怨寤寐起還歌  
晨裝豈輟警夕壘詎淹和  
苦哉遠征人悲矣將如何

豫章行

燕陵平而遠易河清且駛  
一見塵波阻臨途引征思  
雙劍愛匣同孤鸞悲影異  
宴言誠易篡清歌信難嗣  
卧聞夕鐘急坐閱朝光亟  
往歡墜壯心來戚滿衰志

徂芳無再馥淪灰定還熾  
夏臺尚可忘榮辱亦奚事  
愧微曠士節徒感鄙生餌  
勞哉納辰和地遠託聲寄  
相逢狹路間

相逢洛陽道繫聲流水車  
路逢輕薄子竚立問君家  
君家誠易知易知復易憶  
龍馬滿街衢飛蓋交門側  
大子萬戶侯中子飛而食  
小子始從官朝夕溫省直  
三子俱入門赫奕多羽翼  
若若青組紆煙煙金璫色  
大婦遶梁訶中婦迴文織  
小婦獨無事閉門聊且卽  
綠綺試一彈玄鶴方鼓翼

長安有狹衣行

青槐金陵陌丹轂貴遊士方駿萬乘臣炫服千金子  
咸陽不足稱臨淄孰能擬

三婦豔

大婦掃玉墀中婦結羅帷小婦獨無事對鏡理蛾眉  
良人且安卧夜長方自私

江籬生幽渚

一作塘上行

澤瀾被荒徑孤芳豈自通幸逢瑤池曠得與金芝叢  
朝承紫臺露夕潤綠池風旣美修嫫女復悅繁華童  
夙昔玉霜滿日暮翠條空葉飄儲胥右芳歇露寒東  
紀化尚盈昊俗志信積隆財殫交易絕華落愛難終

所惜改驩眇豈恨逐征蓬願回昭陽景持照長門宮

却東西門行

驅馬城西阿遙眺想京闕望極煙原盡地遠山河沒  
搖裝非短晨還歌豈明發修服悵邊羈瞻途眇鄉謁  
馳蓋轉徂龍回星引奔月樂去哀鏡滿悲來壯心歇  
歲華委徂顏年霜移暮髮辰物久侵晏征思坐淪越  
清氛掩行夢憂原盪瀛渤一念起關山千里顧丘窟

飲馬長城窟

介馬渡龍堆塗縈馬屢迴前訪昌海驛雜種寇輪臺  
旌幙卷煙雨徒御犯冰埃

青青河畔草

漠漠牀上塵心中憶故人故人不可憶中夜長歎息  
歎息想容儀不言長別離別離稍已久空牀寄杯酒

梁甫吟

龍駕有馳策日御無停陰星籥亟迴變氣化坐盈侵  
寒光稍眇眇秋塞日沉沉高牕及餘火傾河駕騰參  
颺風折暮草驚籜貫層林時雲靄空遠淵水結清深  
奔樞豈易紐珠庭不可臨懷仁每多意履順孰能禁  
露清一唯促緩志且移心哀歌步梁甫歎絕有遺音  
君子有所思行

晨策終南首顧望咸陽川戚里遡層闕甲館負崇軒  
複塗希紫閣重臺擬望仙巴姬幽蘭奏鄭女陽春絃  
共矜紅顏日俱忘白髮年寂寥茂陵宅照曜未央蟬  
無以五鼎盛顧嗤三經玄

白馬篇

白馬紫金鞍停鑣過上蘭寄言狹斜子詎知隴道難  
赤坂途三折龍堆路九盤永生肌裏冷風起骨中寒  
功名志所急日暮不遑餐長驅入右地輕舉出樓蘭  
直去已垂涕寧可望長安匪期定遠封無羨輕車官  
唯見恩義重豈覺衣裳單本持軀命荅幸遇身名完

齊謳行

東秦稱右地川隰固夷祖層峰駕蒼雲濁河流素壤  
青丘良杳鬱雪宮信踈敞王佐改殷命霸功繆周網  
前緩聲歌

羽人廣宵宴帳集瑤池東開霞泛彩靄澄霧迎香風  
龍駕出黃苑帝服起河宮九疑輔煙雨三山馭螭鴻  
玉鸞乃排月瑤輶信凌空神行燭玄漠帝旆委曾虹  
簫歌笑羸女笙吹悅姬童瓊漿且未洽羽轡已騰空  
息鳳曾城曲滅景清都中隆祐集皇代委祚溢華嵩

芳樹

以下二首附謝眺集題云同沈右率諸公賦

發萼九華隈開跗寒露側氤氳非一香參差多異色  
宿昔寒飈舉摧殘不可識雪霜交橫至對之長歎息  
臨高臺

高臺不可望望遠使人愁連山無斷絕河水復悠悠  
所思竟何在洛陽南陌頭可望不可見何用解人憂  
洛陽道

洛陽大道中佳麗實無比燕裙傍日開趙帶隨風靡  
領上蒲萄繡腰中合歡綺佳人殊未來薄暮空徙倚

江南曲

權歌發江潭采蓮渡湘南宜須閒隱處舟浦予自諳

羅衣織成帶墮馬碧玉簪但令舟楫渡寧計路嶄嵌  
東武吟行

天德深且曠人世賤而浮東枝纔拂景西壑已停輈  
逝辭金門寵去飲玉池流宵轡絕永矣俗累從此休  
怨歌行

時屯寧易犯俗險信難群坎壈元淑賦頃挫敬通文  
遽淪班姬寵夙窆賈生墳短俗同如此長歎欲何云

悲哉行

旅遊媚年暮年春媚遊人徐光且垂彩和露曉凝津  
時嚶起稚葉蕙氣動初蘋一朝阻舊國萬里隔良辰

雜曲三首

攜手曲

捨轡下雕輅更衣奉玉牀斜簪映秋水開鏡比春粧  
所畏紅顏促君恩不可長鳩冠且容喬豈吝桂枝亡  
有所思

西征登隴首東望不見家關樹抽紫葉塞草發青芽  
昆明當欲滿蒲萄應作花垂淚對漢使因書寄狹斜

夜夜曲二首

河漢縱且橫北斗橫復直星漢空如此寧知心所憶  
孤燈暖不明寒機曉猶織零淚向誰道鷄鳴徒歎息

其二

北斗闌干去夜夜心獨傷月輝橫射枕燈光半隱牀  
釣竿

桂舟旣容與綠浦復回紆輕絲動弱艾微楫起單鳧  
扣舷忘日暮辛歲以爲娛

臨碣石

碣石送返潮登杲禮朝日溟漲無端倪山島玄崇崒  
驥老心未窮酬恩豈終畢

湘夫人

瀟湘風已息沅澧復安流揚蛾一含睇嫵媚好且修

捐玦置澧浦解珮寄中洲

貞女引

貞女信無矯傍鄰也見疑輕生本非惜賤軀良足悲  
傳芳託嘉樹弦歌寄好詞

襄陽蹋銅鞮歌三首

一云白銅鞮歌

分手桃林岸送別峴山頭若欲寄音信漢水向東流  
生長宛水上從事襄陽城一朝遇神武奮翼起先鳴  
蹀躞飛塵起左右自生光男兒得富貴何必在歸鄉

永明樂

聯翩貴遊子侈靡千金客華轂起飛塵珠履竟長陌

沈休文集 卷二  
江南弄四首

趙瑟曲

文苑英華作元帝今從樂府作沈約

邯鄲竒弄出文梓  
縈絃急調切流徵  
玄鶴徘徊白雲起  
白雲起鬱披香離  
復合曲未央

秦箏曲

羅袖飄飄拂雕桐  
促柱高張散輕宮  
迎歌度舞遏歸風  
遏歸風止流月壽  
萬春歡無歇

陽春曲

楊柳垂地鶯差池  
緘情忍思落容儀  
弦傷曲怨心自知  
心自知人不見動  
羅裙拂珠殿

朝雲曲

陽臺氤氳多異色  
巫山高高上無極  
雲來雲去常不息  
常不息夢來遊極  
萬世度千秋

樂未央

億舜日萬堯年詠  
湛露歌採蓮願雜  
百和氣宛轉金鑪  
前

四時白紵歌五首

春白紵

蘭葉參差桃半紅  
飛芳舞縠戲春風  
如矯如怨狀不同  
含笑流眄滿堂中  
翡翠群飛飛不息  
願在雲間長

比翼佩服瑤草駐容色舜日堯年歡無極

夏白紵

英華作梁武帝今從樂府作沈約

朱光灼爍照佳人含情送意遙相親嫣然一轉亂心神非子之故欲誰因翡翠群飛飛不息願在雲間長比翼佩服瑤草駐容色舜日堯年歡無極

秋白紵

白露欲凝草已黃金瑤玉柱響洞房雙心一影俱徊翔吐情寄君君莫忘翡翠群飛飛不息願在雲間長比翼佩服瑤草駐容色舜日堯年歡無極

冬白紵

寒閨晝密羅幌垂婉容麗已心相知霞去霞還摺不移長褰拂面爲君施翡翠群飛飛不息願在雲間長比翼佩服瑤草駐容色舜日堯年歡無極

夜白紵

秦箏齊瑟燕趙女一朝得意心相許明月如規方襲子夜長未央歌白紵翡翠群飛飛不息願在雲間長比翼佩服瑤草駐容色舜日堯年歌無極

五音曲

宮引

八音資始君五聲興比和樂感百精優游律呂被咸



英

商引

司秋紀兌奏西音激揚鐘石鼓瑟琴風流福被樂情  
情

角引

萌生觸發歲在春咸池始奏德尚仁恣憑以息和且  
均

徵引

執衡司事宅離方滔滔夏日火德昌八音備舉樂無  
疆

羽引

玄英紀運冬永折物爲音本和且悅窮高測深長無  
絕

詩

侍皇太子釋奠宴

尊學尚矣道亦遐哉啓圖觀祕闢苑興才事高東序  
義邁雲臺峨峨德傳灼灼英台復禮曲臺反樂宣榭  
闕文內舉輜軒外駕結朋千里從師百舍隆典必修  
闕祀咸薦廻鸞獻爵縱金委奠肆士辨儀胥人掌縣  
髣髴神蹤徘徊靈睭

沈休文集卷二  
爲南郡王侍皇太子釋奠宴二首

陵季相沿訓隨世殆政缺雅乖風漓化改禮亡在席  
樂沈河海三雍靡構四教誰采瞻震並峻義屬重麗  
橫書清道晦彼生知

義重師匡業貴虛受襄野順風西河杜帝表跡虧光  
降情迴首道御百靈神行萬有尊學尚矣繼列傳徽  
旗章或舛茲道莫違自堂及室異軫同歸洋洋聖範  
楚楚儒衣

三日侍鳳光殿曲水宴應制

光遲蕙畝氣婉椒亭皇心愛矣帝曰遊哉王鸞徐鶩  
翠鳳輕迴別殿廣臨離宮洞啓川祗奉壽河宗相禮  
清洛漸延長伊流陞泗盪嘉羞搖漾芳醴輕歌易繞  
弱舞難持素雲留管玄鶴停絲引思爲歲歲亦陽止  
叨服賁身身亦昌止徒勤丹漆終愧文梓

爲臨川王九日侍太子宴

涼風北起高鴈南翻葉浮楚水草折梁園婁清霜野  
惆悵晨鷗雲輕寒樹日麗秋原三金廣設六羽高陳  
寒英始獻涼酎初醇靡靡神襟鏘鏘群彥思媚諸猷  
洽和奉宴恩暢蘭席歡同桂殿景遽樂推臨風以眷  
麗景天枝位非德舉任伍辰階祚均河楚負岳未勝

瞻雲難侶望古興惕心焉載佇

九日侍宴樂遊苑

憑王宅海端宸御天止流飛壑靜震騰川凝神貫極  
摘道涌泉西裘委衽南風在絃暮芝始綠年桂初丹  
上林葉下蒼池水寒霜霑玉樹鴈動輕瀾停蹕玉陛  
徙衛璿墀瑀箱鳳綵羽蓋鸞姿虹旌迢遞翠華葳蕤  
禮弘灞汭義高洛涓

從齊武帝瑯琊城講武應詔

九功播祧墀七德陳武懸展事昌國圖息兵由重戰  
皇情咨閱典出車追辰選飾徒映寒隰翻綏臨廣甸

颯沓佩吳戈參差腰夏箭風旆舒復卷雲霞清似轉  
輕舞信徘徊前歌且遙衍秋原嘶代馬朱光浮楚練  
虹壑寫飛文巖阿灑餘綯發震岳靈從揚旌水華變  
憑高訓武則中天起遐眷鳳蓋捲洪河珠旗掃長汧  
方待翠華舉遠適瑤池宴

三日侍林光殿曲水宴應制

宴鎬鏘玉鑿遊汾舉仙輶榮光泛綵旄修風動芝蓋  
淑氣婉登晨天行聳雲旒帳殿臨春藥帷宮繞芳薈  
漸席周羽觴分墀引迴瀨穆穆玄化升濟濟皇階泰  
將御遺風軫遠侍瑤臺會

侍宴樂遊死餞呂僧珍應詔

丹浦非樂戰負重切君臨我皇秉志德忘已用堯心  
愍茲區宇內魚鳥失飛沈推轂二嶠道揚旆九河陰  
超乘盡三屬選士皆百金戎車出細柳餞席遵上林  
命師誅後服授律緩前禽亟輟方解帶曉武稍披襟  
伐罪芒山曲弔民伊水潯將陪告成禮待此未抽簪  
正陽堂宴勞凱旋

凱入同高宴飲至均多祜昔徃歌采薇今來歡杖杜  
善戰惟我皇勝之不窺戶推轂授神謨餘壯終能賈  
浩湯金壘溢周流玉觴溥

遊鍾山詩應西陽王教

靈山紀地惠地險資岳靈終南表秦觀少室邇王城  
翠鳳翔淮海矜帶遶神垵北阜何其峻林薄杳蔥青  
其發地多奇嶺干雲非一狀合杳共隱天參差互相  
望鬱律構丹巘峻嶒起青嶂勢隨九疑高氣與三山  
壯<sub>其</sub>即事既多美臨眺殊復奇南瞻儲胥觀西望昆  
明池山中咸可悅賞逐四時移春光發隴首秋風生  
桂枝<sub>其</sub>多值息心侶結架山之足八解鳴澗流四禪  
隱巖曲窈冥終不見蕭條無可欲所願從之遊寸心  
于此足<sub>其</sub>君王挺逸趣羽旆臨崇基白雲隨玉趾青

霞雜桂旗淹留訪五藥顧步佇三芝於焉仰鑣駕歲暮以爲期其五

登高望春

登高眺京洛街巷紛漠漠迴首望長安城闕鬱盤栢日出照鈿黛風過動羅紈齊童躡珠履趙女揚翠翰春風搖雜樹葳蕤綠且丹寶瑟玫瑰柱金羈玳瑁鞍淹留宿下蔡置酒過上蘭解眉還復斂方知巧咲難佳期空靡靡含睇未成歡嘉客不可見因君寄長嘆

遊金華山

遠策追夙心靈山協久嬰天倪臨紫闕地道通丹竅

未乘琴高鯉且縱嚴陵釣若蒙羽駕迎得奉金書召高馳入閭闔方睹靈妃笑

劉真人東山還

連峰竟無已積翠遠微微窠戾野風急芸黃秋草腓我來歲云暮於此悵懷歸霜雪方共下寧止露霑衣待余兩岐秀去去拚柴扉

登玄暢樓

危峰帶北阜高頂出南岑中有陵風榭迴望川之陰岸險每增減湍平互淺深水流木三派臺高乃四臨上有離群客客有慕歸心落暉映長浦煥景燭中潯

雲生嶺乍黑日下溪半陰信美非吾土何事不抽簪

酬謝宣城眺

集云調宣城眺卧疾

王喬飛鳧鳥東方金馬門從官非宦侶避世非避諠  
揆予發皇鑒短翮屢飛翻晨趨朝建禮晚沐卧郊園  
賓至下塵榻憂來命絲尊昔賢侔時雨今守馥蘭蓀  
神交疲夢寐路遠隔思存牽拙謬東汜浮情及西峴  
顧循良非薄何以儷瓊璫將隨渤澥去刷羽汎清源  
新安江至清淺深見底貽京邑遊好

眷言訪舟客茲川信可珍洞徹隨清淺皎鏡無冬春  
千仞寫喬樹百丈見遊鱗滄浪有時濁清濟固無津  
豈若乘斯去俯映石磷磷紛吾隔嚙滓寧假濯衣巾  
願以潺湲水霑君纓上塵

送別友人

外編作任昉者非

君東我亦西銜悲涕如霰浮雲一南北何由展言宴  
方作異鄉人贈子同心扇遙裔發海鴻連翻出簷燕  
春秋更去來參差不相見

去東陽與吏民別

微薄叨今幸忝荷非昔期唐風豈異世欽明重在茲  
飾驂去關輔分竹入河淇下車如昨日曳組忽彌碁  
霜載凋秋草風三動春旗無以招卧轍寧望後相思

早發定山

夙齡愛遠壑晚蒞見奇山標峰綵虹外置嶺白雲間  
傾壁忽斜豎絕頂復孤圓歸海流漫漫出浦水濺濺  
野棠開未落山櫻發欲然忘歸屬蘭社懷祿寄芳筌  
眷言採三秀徘徊望九仙

循役朱方道路

分繻出帝京升裝奉皇穆洞野屬滄溟聯郊遡河服  
日映青丘島塵起邯鄲陸江移林岸微巖深烟岫複  
歲巖摧磴草午寒散嶠木縈蔚夕飈卷蹉跎晚雲伏  
霞志非易從旌軀信難牧豈慕淄宮梧方辭兔園竹

羈心亦何言迷蹤庶能復

和竟陵王遊仙詩二首

王融范雲同賦

天矯乘絳仙螭衣方陸離玉鑿隱雲霧溶溶紛上馳  
瑤臺風不息赤水正漣漪崢嶸玄圃上聊攀瓊樹枝

又

朝止閭闔宮暮宴清都闕騰蓋隱奔星低鑿避行月  
九疑紛相從虹旌乍升沒青鳥去復還高唐雲不歇  
若華有餘照淹留且晞髮

遊沈道士館

秦皇御宇宙漢帝恢武功歡娛人世盡情性猶未充

銳意三山上托慕九霄中既表祈年觀復立望仙宮  
寧爲心好道直由意無窮曰余知止足是願不須豐  
遇可淹留處便欲息微躬山嶂遠重疊竹樹近蒙籠  
開襟濯寒水解帶臨清風所累非外物爲念在玄空  
朋來握石隨賓至駕輕鴻都令人徑絕惟使雲路通  
一舉凌倒景無事適華嵩寄言賞心客歲暮爾來同  
酬華陽陶先生

三清未可覩一氣且空存所願迴光景拯難拔危魂  
若蒙光丹贈豈懼六龍奔

還園宅奉酬華陽先生

早欲尋名山期待婚嫁畢二事雖云已此外復非一  
忽聞龍圖至仍覩榮光溢副朝首八元開壤賦千室  
冠纓曾弗露風雨未嘗櫛鳴玉響洞門金蟬映朝日  
慚無小人報徒叨令尹秩豈忘平生懷靡盬不遑恤  
華陽先生登樓不復下贈呈

側聞上士說尺木乃騰霄雲駢不展地仙居多麗樵  
卧待三芝秀坐對百神朝銜書必青鳥佳客信龍鑣  
非止靈桃實方見大椿凋

奉華陽王外兵

餐玉駐年齡吞霞反容質眇識青丘樹迴見扶桑日



爛熳蜃雲舒嶽峯山海出

赤松澗

松子排煙去英靈眇難測惟有清澗流潺湲終不息  
神丹在茲化雲輶於此陟願受金液方片言生羽翼  
渴就華池飲饑向朝霞食何時當來還延佇青巖側

八關齋

因戒倦輪飄習障從塵染四衢道難闢入正扉猶掩  
得理未易期失路方知險迷塗旣已復豁悟非無漸

古意

挾瑟叢臺下徙倚愛容光佇立日已暮戚戚苦人腸

路葵已堪摘淇水未沾裳錦衾無獨暖羅衣空自香  
明月雖外照寧知心內傷

少年新婚爲之詠

山陰柳家女薄言出田墅丰容好姿顏便僻巧言語  
腰肢旣軟弱衣服亦華楚紅輪映早寒畫扇迎初暑  
錦履並花紋繡帶同心苜羅襦金薄厠雲髮花釵舉  
我情已鬱紆何用表崎嶇託意眉間黛中心口上朱  
莫爭三春價坐喪千金軀盈尺青銅鏡徑寸合浦珠  
無因達往意欲寄翼飛鳧裾開見玉趾衫薄映凝膚  
羞言趙飛燕笑殺秦羅敷自顧雖悴薄冠盖曜城隅

高門列騶駕廣路從驪駒何慚鹿盧劍詎減府中趨  
還家問鄉里詎堪持作夫

夢見美人

夜聞長嘆息知君心有憶果自閭闔開魂交覩顏色  
既薦巫山枕又奉齊眉食立望復橫陳忽覺非在側  
那知神傷者潺湲淚沾臆

直學省愁臥

秋風吹廣陌蕭瑟入南闌愁人掩軒卧高牕時動扉  
虛館清陰滿神宇曖微微網蟲垂戶織夕鳥傍欄飛  
纓珮空爲忝江海事多違山中有桂樹歲暮可言歸

休沐寄懷

雖云萬重嶺所翫終

一作惟

一丘堦墀幸自足安事遠

遨遊臨池清潄暑開幌望高秋園禽與時變蘭根應  
節抽憑軒寒木末垂堂對水周紫籜開綠篠白鳥映  
青疇艾葉彌南浦荷花遶北樓送日隱層閣引月入  
輕幃爨熟寒蔬剪賓來春蟻浮來往既云勸光景爲  
誰留

宿東園

陳王鬪鷄道安仁採樵路東郊豈異昔聊可閒余步  
野徑既盤紆荒阡亦交互槿籬踈復密荆扉新且故

樹頂鳴風颺草根積霜露驚磨去不息征鳥時相顧  
茅棟嘯愁鴟平岡走寒鬼夕陰帶層阜長烟引輕素  
飛光忽我道豈止歲云暮若蒙西山藥頽齡倘能度  
寒瓜方卧壠秋菰亦滿陂紫茄紛爛熳綠芋鬱參差  
初菘向堪把時韭日離離高梨有繁實何減萬年枝  
荒渠集野鴈安用昆明池

和左丞庾杲之移病

歲暮豈云聊參差憂與疾匪澣孰能賜持身固無述  
握蘭空盈把待漏終不溢聒喧滿眼前薄領紛盈膝

安用談天辯徒勞夢賜筆桂冠若東都山林寧復出

和竟陵王抄書

教微因弛轡維峻屬貞期義乖良未遠斯文煥在茲  
超河綜絕禮冠楚綴淪詩披滕辨蠹冊酌醴訪深疑  
澄流黜往性泛略引前滋漢壁含遺篆名山多逸詞  
綠編方委閣素簡日盈輜空幸參鴛鷺比秀惡瓊芝  
挹流旣知廣復道還自嗤

奉和竟陵王郡縣名

王融范雲同賦

西都富軒冕南宮溢才彥高闕連朱雉方渠漸游殿  
廣川肆河濟長岑繞嶠汧曲梁濟危渚平臯騁悠眇

青淵皎澄徹曾山鬱葱藉陽泉濯春藻陰丘聚寒霰  
西華不可留東光促奔箭望都遊子懷臨戒征馬倦  
旣豫平臺集復齒南皮宴一窺長安城羞言杜陵掾  
奉和竟陵王藥名

丹草秀朱翹重臺架危岵木蘭露易飲射干枝可結  
陽隰採辛夷寒山望積雪玉泉亟周流雲華乍明滅  
合歡葉暮捲爵林聲夜切垂景迫連桑思僊慕雲埒  
荆實剖丹瓶龍芻汗奔血照握乃夜光盈車非玉屑  
細柳空葳蕤水萍終委絕黃符若可挹長生永昭哲  
和陸慧曉百姓名

建都望淮海樹闕表衡稽井幹風雲出柏梁星漢齊  
皇王臨萬宇惠化覃黔黎吉士服仁義宿昔秉華圭  
庸賢起幽谷欽言非象犀端委康國步偃息召邦攜  
舉政方分策易紀粲金泥伊余沐嘉幸由是別遠畦  
曾微涓露荅光景遂云西方隨煉丹子薄暮矯行迷  
三月三日率爾成篇

麗日屬元巳年芳具在斯開花已匝樹流鸚復滿枝  
洛陽繁華子長安輕薄兒東出千金堰西臨鴈鶩陂  
遊絲應空轉高楊拂地垂綠幘文照耀紫燕光陸離  
清晨戲伊水薄暮宿蘭池象筵鳴寶瑟金瓶泛羽卮

沈休文集 卷二  
寧憶春蠶起日暮桑欲萎長袂屢已拂彫胡方自吹  
愛而不可見宿昔減容儀且當忘情去歎息獨何爲

織女贈牽牛

紅妝與明鏡二物本相親用持施點畫不照離居人  
往秋雖一照一照復還塵塵生不復拂蓬首對河津  
冬夜寒如此寧遽道陽春初商忽云至暫得奉衣巾  
施衿已成故每聚忽如新

應王中丞思遠咏月

月華臨靜夜夜靜滅氛埃方暉竟戶入圓影隙中來  
高樓切思嬾西園遊上才網軒映珠綴應門照綠苔

洞房殊未曉清光信悠哉

和王中書德充咏白雲

白雲自帝鄉氛氲屢迴沒蔽虧崑山樹含吐瑤臺月  
秋風西北起飄我過城闕城闕已參差白雲復離離  
皦潔在天漢倒影入華池將過丹丘野時至碧林垂  
九重迎飛燕萬里送翔螭

咏雪應令

思鳥聚寒蘆蒼雲軫暮色夜雪合且離曉風驚復息  
婣娟入綺牕徘徊鶩情極弱桂不勝枝輕飛屢低翼  
玉山聊可望瑤池豈難卽

和劉雍州繪博山香鑪

範金誠可則摘思必良工凝芳俟朱燎先鑄首山銅  
瓌姿信岵嶠竒態實玲瓏峰磴互相拒岩岫杳無窮  
赤松遊其上歛足御輕鴻蛟螭盤其下驥首盼曾穹  
嶺側多竒樹或孤或複叢巖間有佚女垂袂似含風  
暈飛若未已虎視鬱餘雄登山起重嶂左右引絲桐  
百和清夜吐蘭烟四面充如彼崇朝氣觸石繞華嵩

咏湖中鴈

白水滿春塘旅鴈每迴翔  
唼流牽弱藻斂翮帶餘霜  
群浮動輕浪單汎逐孤光  
懸飛竟不下亂起未成行  
刷羽同搖漾一舉還故鄉

冬節後至丞相第詣世子車中作

廉公失權勢門館有虛盈  
貴賤猶如此况乃曲池平  
高車塵未滅珠履故餘聲  
賓階綠錢滿客位紫苔生  
誰當九原上鬱鬱望佳城

奉和竟陵王經劉瓛墓

表間欽逸軌軼墓禮真魂  
化塗終眇默神理暖猶存  
塵經未輟幌高衡已委門  
日蕪子雲舍徒望董生園  
華陰無遺布楚席有靈樽  
玄泉倘能慰長夜且勿論

悼亡

一作悼往

去秋三五月今秋還照梁今春蘭蕙草來春復吐芳  
悲哉人道異一謝永銷亡簾屏旣毀撤帷席更施張  
游塵掩虛座孤帳覆空床萬事無不盡徒令存者傷  
侍遊方山應詔

清漢夜昭晷扶桑曉陸離發歌縱陽下建羽朝夕池  
攬金浮水若聳蹕詔山祇一霑九霄露藜藿終自知  
樂將殫恩未已應詔

淒鏘笙管道參差舞行亂輕肩旣屢舉長巾亦徐換  
雲鬢垂寶花輕妝染微汗群臣醉又飽聖恩猶未半  
泛永康江

長枝萌紫葉清源泛綠苔山光浮水至春色犯寒來  
臨睨信永矣望美暖悠哉寄言幽閨妾羅襖勿空裁  
餞謝文學離夜

漢池水如帶巫山雲似蓋滌汨背吳潮潺湲橫楚瀨  
一望沮漳水寧思江海會以我徑寸心從君千里外  
別范安成

生平少年日分手易前期及爾同衰暮非復別離時  
勿言一樽酒明日難重持夢中不識路何以慰相思  
効古

可憐桂樹枝單雄憶故雌歲暮異栖宿春至猶別離

沈休文集 卷二  
山河隔長路路遠絕容儀豈云無可匹寸心終不移  
庭雨應詔

出空寧可圖入庭倍難賦非烟復非雲如絲復如霧  
霰霰裁欲垂霏微不能注雖無千金質聊爲一辰趣

初春

夾道覓陽春相將共攜手草色猶自腓林中都未有  
無事逐梅花空教信楊柳且復共歸來含情寄杯酒

春思

一作春詠

楊柳亂如絲綺羅不自持春草黃復綠客心傷此時  
青苔已結消碧水復盈淇日華照趙瑟風色動燕姬

襟前萬行淚故是一相思

傷春

弱草半抽黃輕條未全綠年芳被禁籞烟花繞層曲  
寒苔卷復舒冬泉斷方續早花散凝金初露泫成玉

秋夜

月落宵向分紫烟鬱氛氲暄螢入霧離離鴈度雲  
巴童闇理瑟漢女夜縫裙新知樂如是久要詎相聞

詠箎

古文苑云沈右率座賦三物爲詠

江南簫管地妙響發孫枝殷勤寄玉指含情舉復垂  
雕梁再三繞輕塵四五移曲中有深意丹誠君詎知



詠竹檳榔盤

梢風有勁質柔用道非一平織方以文穿成圓且密  
薦羞雖百品所貴浮天實幸承歡醕餘寧辭嘉宴畢

簷前竹

萌開籜已垂結葉始成枝繁蔭上蒼茸促節下離離  
風動露滴瀝月照影參差得生君戶牖不願夾華池

翫庭柳

玉臺作咏柳

輕陰拂建章夾道連未央因風結復解霑露柔且長  
楚妃思欲絕班女淚成行遊人未應去爲此還故鄉

麥李

藝文作咏李

青玉冠西海碧石彌外區化爲中園實其下成路衢  
在先良足貴因小邈難逾色潤房陵縹味奪寒水朱  
摘持欲以獻尚食且踟蹰

咏桃

風來吹葉動風去畏花傷紅英已照灼况復含日光  
歌童暗理曲游女夜縫裳詎減當春淚能斷思人腸

咏青苔

綠塔已漠漠汎水復綿綿微根如欲斷輕絲似更聯  
長風隱細草深堂沒綺錢榮鬱無人贈歲蕤徒可憐

十咏二首

領邊繡

織手製新奇刺作可憐儀  
縈絲飛鳳半結縷坐花兒  
不聲如動吹無風自裏枝  
麗色儻未歇聊承雲鬢垂  
腳下履

丹墀上颯沓玉殿下趨鏘  
逆轉珠珮響先表綉袿香  
裾開臨舞席袞拂繞歌堂  
所歎忘懷妾見妾入羅牀

懷舊詩九首

傷王融

元長秉竒調弱冠慕前蹤  
眷言懷祖武一簣望成峰  
途難行易跌命舛志難逢  
折風落迅羽沉恨滿青松

傷謝朓

吏部信才傑文峰振竒響  
調與金石諧思逐風雲上  
豈言陵霜質忽隨人事往  
尺璧爾何冤一旦同丘壤  
傷庾杲之

左率馥時譽秀出冠朋僚  
聳茲千仞氣振此百尋條  
蘊藉含文雅散朗溢風飈  
楸檟今已合容範尚昭昭  
傷王湛

長史體閑任坦蕩無外求  
持身非詭遇應物有虛舟  
心從朋好盡形爲懽宴留  
歡讌未終畢零落委山丘  
傷虞炎

東南旣擅美洛陽復稱才攜手同歡宴比跡共遊陪  
事隨短秀落言歸長夜臺

傷李珪之

少府懷貞節忘軀濟所奉吏道勤不息繁文長自擁  
旣闕優孟歌身沒誰爲寵

傷韋景猷

韋叟識前載博物備戎華稅驂止營校淪跡委泥沙  
始知庸聽局方悟大音賒

傷劉渢

藝文作佩

處穠無近累天然有勝質蕭瑟負高情耿介懷秋實

義貴良爲重蘭摧非所恤一罷平生言寧知携手日

傷胡諧之

豫州懷風範綽然標雅度處約志不渝接廣情無忤  
頡頏事刀筆紛綸遞朱素美志同山阿浮年迫朝露

詠新荷應詔

勿言草卉賤幸宅天池中微根纔出浪短榦未搖風  
寧知寸心裏蓄蓄紫復含紅

聽蟬鳴應詔

輕生宅園籟復得棲嘉樹豈敢擅紅枝輕條遭所遇  
葉密形易揚風迴響難住

沈休文集 卷二  
咏笙

彼美實枯枝孤篠定參差  
鷓鴣已啁晰棗下復林離  
本期王子宴寧待洛濱吹

咏箏

秦箏吐絕調玉柱揚清曲  
絃依高張斷聲隨妙指續  
徒聞音繞梁寧知顏如玉

咏石榴

靈園同佳稱幽山有竒質  
停采久彌鮮含華豈期實  
長願微名隱無使孤株出

大言應令

隘此大汎庭方知九垓局  
窮天豈彌指盡地不容足

細言應令

開館尺椳餘築榭微塵裏  
蝸角列州縣毫端建朝市  
咏餘雪

詠帳

陰庭覆素芷南階寒綠蔬  
玉臺新落構青山已半虧  
甲帳垂和壁螭雲張桂宮階  
珠旣吐曜翠被復含風  
侍宴咏反舌

假容不足觀遺音猶可薦  
幸蒙喬樹思得以聞高殿  
寒松

梢聳振寒聲青葱標暮色踈葉望嶺齊喬榦臨雲直

咏孤桐

龍門百尺時排雲少孤立分根蔭玉池欲待高鸞集

咏梧桐

秋還遽已落春曉猶未黃微葉雖可賤一剪或成珪

園橘

綠葉迎露滋朱苞待霜潤但令入玉梓金衣非所恡

詠梨應詔

大谷來既重岷山道又難摧折非所恡但令入玉盤

西地梨

時彙作簡文者非

列茂河陽苑蓄紫濫觴隈翻黃秋沃若落素春徘徊

咏芙蓉

微風搖紫葉輕露拂朱房中池所以綠待我泛紅光

咏杜若

生在窮絕地豈與世相親不顧逢采擷本欲芳幽人

咏鹿葱

灌畦暇語曰約以佐命勳位冠梁朝晚  
年新進用事者忌其固位取約所為鹿  
葱詩乘間以白武帝帝不能堪未幾得道士  
赤章事遂大發怒約以憂死身處嫌疑之地  
而口陳形迹之語加以媒孽構於其旁欲無  
及得乎

野馬不任騎兔絲不任織既非中野花豈堪麇麇食

甘蕉

抽葉固盈丈擢本信兼圍流甘揜柳實弱縷冠絺衣  
咏菰

結根布洲渚垂葉滿臯澤匹彼露葵羨可以留上客  
早行逢故人車中爲贈

殘朱猶曖曖餘粉尚霏霏昨宵何處宿今晨拂露歸  
爲鄰人有懷不至

影逐衰月來香隨遠風入言是定知非欲咲翻成泣  
四城門

六龍旣驚軫二鼠復馳光衰齡難慎輔暮質易凋傷  
和劉中書仙詩二首

清旦發玄洲日暮宿丹丘崑山西北映遊泉東南流  
霓裳拂流電雲車委輕霰崢嶸上不覩寥廓下無見  
殊庭不可及風燦多異色霞衣不待縫雲錦不須織  
華山館爲國家營功德

沐芳禱靈岳稽首恭上玄帝昔祈萬壽臣今請億年  
丹方緘洞府河清時一傳錦書飛雲字玉簡黃金編  
和王衛軍解講

妙輪輟往駕寶樹未開音甘露爲誰演得一標道心  
耿耿玄塗曠高義總成林七花屏塵相八解濯芳襟  
侍宴謝朓宅餞東歸應制

皇情悵東舳羽旆拂南廔夏雲清朝景秋風揚早蟬  
飲和陪下席論道光上筵

酬孔通直過懷蓬居

閭闔旣洞啓龍樓亦高闢兩宮集鸞步二閣引通籍  
伊爾事清途紛吾共賤役

石塘瀨聽猿

噉噉夜猿鳴溶溶晨霧合不知聲遠近惟見山重沓  
旣歡東嶺唱復佇西巖峇

出重圍和傅昭

魯連揚一策陳平出六竒邯鄲風雨散白登烟霧維

排雲出九地陵定振五卮

秋晨羈怨望海思歸

分空臨澗霧披遠望滄流八桂暖如畫三桑眇若浮  
烟極希丹水月遠望青丘

侍宴樂遊苑餞徐州刺史應詔

丘遲同賦

沃若動龍驂參差凝鳳管金塘草未合玉池泉將滿  
憩郊園和約法師採藥

郭外三千畝欲以貿朝饘繁蔬旣綺布密果亦星懸  
上巳華光殿

於維盛世卽軒媯朝艷宴鎬復在斯朝光灼爍映蘭

池春風婉轉入細枝時鸚鵡顧慕聲合離輕波微動漾  
羽卮河宗海若生蛟螭浮梁徑度跨迴漪朱顏始洽  
景將移安得壯士駐奔曦

六憶詩四首

憶來時灼灼上堦墀勤勤叙別離慊慊道相思相看  
常不足相見乃忘饑

憶坐時點點羅帳前或歌四五曲或弄兩三弦笑時  
應無比嗔時更可憐

憶食時臨盤動容色欲坐復羞坐欲食復羞食含哺  
如不飢擊甌似無力

憶眠時人眠疆未眠解羅不待勸就枕更須牽復恐  
傍人見嬌羞在燭前

八詠詩

金華誌曰八詠詩南齊隆昌元年太守沈約所作題於玄暢樓時號絕倡後人

因更玄暢為八詠樓云

登樓望秋月

望秋月秋月光如練照曜三爵臺徘徊九華殿九華  
玳瑁梁華棖與璧璫以茲雕麗色持照明月光凝華  
入黼帳清輝懸洞房先過飛燕戶却映班姬床桂宮  
裊裊落桂枝早寒淒淒凝白露上林晚葉颯颯鳴鴈  
門早鴻離離度湛秀質兮似規委清光兮如素照愁



軒之蓬髮影金階之輕步居人臨此咲以歌別客對  
之傷且慕經衰圃映寒叢凝清夜帶秋風隨庭雪以  
偕素與池荷而共紅臨玉階之皎皎含霜靄之濛濛  
轡天衢而徙度轆長漢而飛空隱巖崖而半出隔帷  
幌而纔通散朱庭之奕奕入青瑣而玲瓏寒階悲寡  
鶴沙洲怨別鴻文姬泣胡殿昭君思漢宮余亦何爲  
者淹留此山東

會圃臨春風

臨春風春風起春樹游絲暖如網落花零似霧先泛  
天淵池還過細柳枝蝶逢飛搖颺燕值羽差池楊桂

旆勤芝蓋開燕裾吹趙帶趙帶飛參差燕裾合且離  
迴簪復轉黛顧步惜容儀容儀已炤灼春風復迴薄  
氛氲桃李花青跗含素萼旣爲風所開復爲風所落  
搖綠帶抗紫莖舞春雪雜流鸚曲房開兮金鋪響金  
鋪響兮妾思驚梧臺未陰淇川始碧迎行雨於高唐  
送歸鴻於碣石經洞房響紈素感幽閨思惟亦想芳  
園兮可以游念蘭翹兮漸堪摘拂明鏡之冬塵解羅  
衣之秋麤旣鏗鏘以動佩又細縕而流射始搖蕩以  
入閨終徘徊而緣隙鳴珠簾於繡戶散芳塵於綺席  
是時悵思歸安能久行役佳人不在茲春風誰爲惜

歲暮愍衰草

愍衰草衰草無容色憔悴荒逕中寒萋不可識昔時  
兮春日昔日兮春風銜花兮佩實垂綠兮散紅氛氤  
鳩鵲右照耀望仙東送歸顧慕泣淇水嘉客淹留懷  
上宮岩陬兮海岸水多兮霰積爛熳兮客根攢幽兮  
寓隙布絲密於寒臯吐纖踈於危石旣惆悵于君子  
倍傷心於行役露縞枝于初旦霜紅天于始夕彫芳  
卉之九衢竇靈茅之三春風急峭道難秋至客衣單  
旣傷簷下鞠復悲池上蘭飄落逐風盡方知歲早寒  
流螢暗明燭鴈聲斷纒纒委絕長信宮蕪穢丹墀曲

霜奪莖上紫風銷葉中綠山變兮青薇水折兮黃葦  
秋鴻兮踈引寒鳥兮聚飛徑荒寒草合桐長舊巖圍  
園庭漸蕪沒霜露日霑衣願逐晨征鳥薄暮共西歸  
霜來悲落桐

悲落桐落桐早霜露燕至葉未抽鴻來枝已素本出  
龍門山長枝仰刺天上峰百丈絕下趾萬尋懸幽根  
未蟠結孤株復危絕初不照光景終年負霜雪自顧  
無羽儀不願生曲池芬芳本自乏華實無所施公子  
特留盼王孫少見知分取孤生枿徙置北堂隲宿莖  
抽晚榦新葉生故枝故枝雖遼遠新葉頗離離春風

一朝至榮華坐如斯自惟良菲薄君恩徒照灼顧已  
非嘉樹空用憑阿閣願作清廟琴爲君舞玄鶴辟荔  
可爲裳文杏堪作梁勿言草木賤徒照君末光末光  
不徒照爲君含嗽眺陽柯綠水絃陰枝苦寒調厚惠  
非所任敢不虛其心若逢陽春至吐綠照清濤

夕行聞夜鶴

聞夜鶴夜鶴叫南池對此孤明月臨風振羽儀伊吾  
人之菲薄無賦命之天爵抱跼促之短懷隨冬春而  
哀樂愍海上之驚鳧傷雲間之離鶴離鶴昔未離迴  
發天北垂忽遇疾風起颯下昆明池復畏冬水合水

宿非所宜欲棲不可住欲去飛已疲勢逐疾風舉求  
溫向衡楚復值南飛鴻參差共成侶海上多雲霧蒼  
茫失洲嶼自此別故群獨向瀟湘渚故群不離散相  
依江海畔夜止羽相切晝飛影相亂刷羽共浮沉湛  
澹泛清濤旣不經離別安知慕侶心九冬負霜雪六  
翻非所任且養凌雲翅俛仰弄清音所望浮丘子旦  
夕來相尋

晨征聽曉鴻

聽曉鴻曉鴻度將旦跨弱水之微瀾發成山之遠岸  
休春歸之未幾傷此歲之云半出海漲之蒼茫入雲

途之瀰漫無東西之可辨孰遐邇之能筭微昔見于  
洲渚赴秋期於江漢集勁風於弱軀負重靈於輕翰  
寒溪可以飲荒臯可以竄溪水徒自清微容豈足翫  
秋蓬飛兮未極塞草寒兮無色吳山高兮高難度越  
水深兮深不可測羨明月之馳光顧征禽之駛翼伊  
余馬之屢懷知君行之未極夜緜緜而難曉愁參差  
而盈臆望山川恚無似唯星河猶可識孤鴈夜南飛  
客淚夜沾衣春鴻日暮返客子方未歸歲去歡娛盡  
年來容貌衰攬衽形雖是撫臆事多違青綯雖長復  
易解白雲誠遠詎難依

解珮去朝市

去朝市朝市深歸暮辭北纓而南徂浮東川而西顧  
逢天地之降祥值日月之重光伊吾行之未已非余  
情之信芳充待詔於金馬奉高宴於柏梁觀鬪獸於  
虎圈望窈窕於披香游西園兮登銅雀攀青璫兮眺  
重陽講金華兮議宣室晝武帳兮夕文昌佩甘泉兮  
履五祚簪枏栝音音兮黼承光託後車兮侍華幄游渤  
海兮泛清漳天道有盈缺寒暑遞炎涼一朝賁玉筮  
眷眷惜餘香曲池無復處桂枝亦銷亡清廟徒肅肅  
西陵久茫茫薄暮余多幸嘉運重來昌忝稽郡之南

尉典千里之光貴別北芒於濁河戀橫橋于清渭望  
前軒之早桐對南階之初卉唯余情之屢傷豈茲焉  
之能慰眷昔日兮懷哉歲將暮兮歸去來

### 被褐守山東

守山東山東萬嶺鬱青葱兩溪共一瀉水潔望如空  
岸側青莎被巖間丹桂叢上瞻既隱軫下睇亦溟濛  
遠林響咆獸近樹聒鳴蟲路出若溪右澗吐金華東  
萬仞倒危石百丈注懸淙掣曳瀉流電奔飛似白虹  
洞井含清氣漏穴吐飛風玉竇膏滴瀝石乳室空籠  
峭嶮塗彌險巖岵步纔通余捨平生之所愛歛暮年

之此逢欲一去而不還悵鄒衣之未褫楫林壑之清  
曠事氓俗之紛詭幸帝德之方升值天綱之未毀旣  
除舊而就新故化民而俗徙播趙俗以南徂扇齊風  
以東靡乳雉方可馴流蝗庶能弭清心矯世濁儉政  
救民侈秩滿撫白雲淹留事芝髓

### 阻雪連句遙贈和

初昕逸翮舉日昃駑馬疲幽山有桂樹歲暮空參差

### 戲作謝惠連體

此詩廣文選題休文作玉臺新  
詠作簡文帝詩紀又作庾信未

詳孰是姑依文  
選仍存集中

雜蕊映南庭庭中光景媚可憐枝上花早得春風意

沈休文集 卷二  
春風復有情拂幔且開楹盈盈開碧煙拂幔復垂簾  
偏使紅花散飄揚落眼前眼亦多無况參差鬱相望  
珠繩翡翠帷綺幙芙蓉帳香煙出牕裏落月斜階上  
日影去遲遲節花咸在茲桃枝紅若點柳葉亂如絲  
絲條轉暮光影落暮光長昔昔燕霍霍舞春心處處揚  
酒滿心聊足護枝愁不忘

遊甌山

文苑地部

平子去已久餘風今復追未必遊春草王孫白不歸  
路高村反出林長鳥更稀寒雲間石起秋葉下山飛  
西河方閱訓詁得解朝衣

沈休文集卷二終